

賜

綺

堂

集

賜綺堂集卷十六詩目

周忠毅公玉印歌爲石甫作

漢南自嘲四首

題惲南田蔬果畫冊十二首

白菜

紫茄

懸瓠

束筍

西瓜

蘆菔

百合

菱

藕

扁豆

木瓜

橘

梁蔭林太守由荆南觀察江淮手書畱別楚中
僚友詩二首於招扇見貽卽次韻奉酬
竹西司馬編次新詩名之曰終末集亦由漁洋
山人蠶尾之義乞爲點定奉題二首

女兒酒歌

漢南距武昌一江之隔期會無虛日宰斯邑者
兼設行館爲停車之地舊館不戒於火乃由紅
牆巷徙至黃鶴樓北山之斗極營葺趙氏園亭
居之得詩四首

奉題贈朝議大夫荊園文翁遺像應步山太守
之屬九言四十二韻

于煖香明府

鼎培

以及新圖乙題

煖硯

煖鍋

煖炕

煖室

題風雨收帆圖

有序

周石甫姚葦舫兩明府招同徐竹逸往三山徑
看桂余方閉門養病憚於遠涉相約在梅子山
酌酒以待兒子琅侍杖從游石甫先賦長律四
章馳示次韻奉答

重陽日石甫載酒接福僧寮邀踐登高之約余
以事阻而不果行石甫復疊前韻四首屬和仍
依韻和之

石甫示和秋麓司馬登梅子山七古依韻答之

漢江秋感十首

有序

題石甫仙山記夢圖卽用見贈結交行長古元韻

絃秋山館插菊

寓齋小圃碎石欹斜且有埋沒土中者聚而壘之四首

次韻答徐蓮峯吉士

寶善

見贈之作

爲葵菴題采芝圖貽石甫四首

題對雨懷鄉圖爲蘅儂作兼示葵菴

竹西自白河奉檄回至鄂城以余引疾去官渡
江枉顧信宿山齋出新詩三卷見示卽用集中
前後寄懷長律二首元韻奉題

竹西疊前韻二首見答仍依韻和之

竹西再疊前韻二首催和仍依韻奉酬

漢陽距武昌一江相望今年江水異漲挾流沙
而至及水落沙渟中有一洲行者不得徑渡須
紆道乃濟卽余前此收帆轉櫂處也小峯明府
渡江亦爲阻滯作歌以誌從而和之

冀小峯

豐穀

石曉田

煦

兩明府先後同宰天門

今奉調漢陽亦先後受代余亦二十年前天門
舊尹也感賦二首

茗香因余引疾去官自應城買舟至漢陽下榻
山齋爲訂 賜綺堂集成於其歸也賦詩四首
相贈

賜綺堂集卷十六

吳苑 詹應甲 鱗飛

詩

周忠毅公玉印歌爲石甫作

印大不逾寸印重不滿銖季侯兩字鐵筆書深鑄入骨
肝胆塗公之手澤不可誣五千里外終還珠二百年後
若合符傳至六世孫寶諸當年草奏不用此遺札流傳
五君子前明五君子墨跡在同里彭尺木進士家見札之乃公與景文先生暨楊魏繆三公遺札也札
尾鈐識丹砂紅壓倒羣奸心不死心血模糊洒不乾
蛇壁鼠首兩端公身雖死臣節完朝天之宮王恭殿火

光上騰印出掌天大雨雹風倒馳印鈕飛作鱗之而囊
沙夜半印懸肘印在泥中死不朽忠魂毅魄誓相守畱
記年月烹十狗吁嗟乎冰山氣盡生祠壞破紙空傳客
氏拜茄花委鬼死亦穢公之玉印千秋在此印前明誰
許配不問瓦全與瓦碎與公縮作同心佩不見掌風化
官海忠介

海忠介公瓦印篆
文掌風化之官

漢南自嘲四首

沌陽望武昌一江渺河漢左右領鴛行亦號稱首縣謁
衙催曉渡廻舟就晚膳臺司各長官數見豈不厭若云
肅起居虛文已習慣或云求利弊空言無可贊紛紛期

會煩精神總不貫實政在實心不同如其面作偏如何
年敢辭腰脚倦親民乃如斯撫膺發長嘆

也知公府趨不若堂皇坐聽訟與催科兩者期無挫小
吏抱牘來秉燭朱墨泥舞文乘此時老眼重揩破階下
待片言一唱而百和理屈詞不窮中有訟師播得情終
可矜早結庶寡過蒲鞭催里胥咤叱加咳唾忽聞鳴鉦
聲倉皇火燄大單騎渡襄流調水先忍餓

高軒自東來停驂換雀艦高軒自西來艤舟升蜺輿來
時尙影響三日開行廚巡官飛一紙凜之如軍符遙遙
心懸旌額手歌維駒陸行集羶蟻水行聯檣鳥上官遣

下走偵探爭前驅盼到拜馬頭不敢將虎鬚呼名知首
邑溫語舍胡盧供張悉屏却爲我戒前途

貿遷維五方措理兼四字峩峩大舸來聚米嚴水次鹽
鐵問桓寬稽覈頗不易就中多游民作奸或朋比權豪
相把持稍縱卽巧試道旁采風聞大半噓蜚氣若輩張
爪牙奈何耳目寄賓館秋風生往往不如意非關口鑠
金爾處脂膏地脂膏不潤身焉得人人濟

題惲南田蔬果畫冊十二首

白菜

根香原守舊家風寫到輪囷玉一叢肉食紛紛不知味

肥甘都在雪霜中

紫茄

小比瓜壺蔓亦稀
摘來盈握露華霏
童牛不免從兒戲
身在田間賜紫衣

懸匏

依樣葫蘆笑畫師
一聲長柄有誰知
却憐身繫秋風裏
枵腹同吟苦葉詩

束筍

櫻盤同薦惜餘春
燕子來時味最新
飽食不妨胸有竹
簿書堆裏早抽身

西瓜

漫道瓜期正及秋依然獨處笑牽牛疲驢破帽西風緊
莫更逢人說故侯

蘆菔

天然拔濯去根荻味到甘辛百不回塵土滿身宜野服
山人偏要頌臺萊

百合

花兼黃白味同參小辨分明玉指探尙有不如人意處
要分心苦與心甘

菱

牆巷徙至黃鶴樓北山之斗極營葺趙氏園亭

居之得詩四首

茫茫身世笑浮鷗塵海移家似泊舟鄰有詩僊還擱筆

座無畫史莫登樓心交密邇招雲鶴眼界空明問斗牛

往日題楹思趙嘏蓬聲吹破大江秋

十七年前手書楹帖尙在樓中而館

主人已謝世不無今昔之感

本來銀漢隔紅牆誰許書魔擾宦場一炬果然收汗棟

舊館藏書悉爲鼠融收去

五車也算歷滄桑藏舟壑小原無術縮地

壺寬別有方

新館與舊館只一巷之隔

要乞金丹分棗核

園在仙垓棗亭下

灰甍炷返魂香

貝集卷之四
聽鼓趨臺尙未遲散衙小憩午陰時層欄曲榭盤雙磴
瘦竹疎花蘸一池帆影隔江催晚渡山聲到枕和新詩
閉關亦有蒼茫意流水車輪總不知

最窮絕頂上層臺翠壁丹崖四面開舟小更無風引去
山巔有軒如舳取東坡亭虛還有月飛來千章老樹因
聽其所止四字顏之

爲屋一勺長天笑舉盃元九他年誇白傅謫居仍占小
蓬萊

奉題贈朝議大夫荊園文翁遺像應步山太守
之屬九言四十二韻

杖有綠玉而手不必扶帶有紫金而腰不肯紆紹德衣

者方幅所不拘綏福履者跬步所不踰脫帽露頂以指
掖長鬚昂藏獨立此七尺之軀讀書經世方不愧真儒
僊邪佛邪紛紛詞近諛淮揚賦甲東南之具區務其大
者遠者氣漸舒綱紀畢張智不在挈壺當其借籌幕府
能凭欄公卿倒屣側席詢良謨指畫利病非限以方隅
公言重若彛鼎鐘盤杆公量淵如江淮河漢湖上交下
交終始垂令譽一肩擔荷心力忘勤劬年逾七十古顏
清而腴脂膏不潤處之聊自娛丁君義門爲公寫此圖
一空依傍色相都埽除究之腳踏實地非淩虛中立不
倚宜與古爲徒立功立德立言信不誣方之太邱林宗

趣不孤庶幾魯連景略才相需篋中遺經世守庭鯉趨
次公梁苑作賦先題輿班春蒞楚曾綰十郡符施諸政
者如先澤之涵濡溯自文翁雅化萬口孚信國文山之
後盛矣乎挺生豪傑握瑾而懷瑜就公一生樹立端楷
模卷中如椽手筆侔韓蘇軾軒採入郡志鐫瓊琚何川
簷簷小言蘸墨枯告身家訓什襲同寶諸何止連城白
璧照乘珠區區桓寬之論平準書大書特書難罄公之
餘

于彞香明府

鼎培

以又新圖乞題

我欲滌塵顏甲厚我欲絕塵足繭皺未能潔身先潔心

君乃新之新且又君意更新每出新君才除舊能由舊
新新不已相循環三覆盤銘發其覆盤之象兮何團團
大珠小珠同跳丸濯以冰雪浣以蘭溫潤而澤功乃完
主人治心如治面舉以示人方不倦捧巾執拂圖五妹
毋乃東方以詭諫水香一霎吹荷衣花亦如人不染泥
桐風竹露涼侵肌楊湯散作淪漣漪沐之浴之氣不齊
盼到月落升朝曦吁嗟乎茫茫塵海誰自拔君有奇氣
不可奪漸除樊樊豪強過能咒毒龍納諸鉢奘香辛應
山實政
醍醐灌頂桶底脫從此民情同濯被我借此盤作寶筏
不見盤中之水心活潑

煖硯

此硯同磨蠍懷冰尙熱中寒瓊羞日曝老筆笑冬烘薦
牘吹噓借文壇水火攻論交須石友冷煖不因風

煖鍋

家鼎嘗菲味中虛酸未消鑠金防口衆嚼火慮唇焦米
炭原相愛鹽梅或借調溫泉有湯沐銅柱不須標

煖炕

草榻生春氣花磚認燒痕此鄉身易老卽席手猶捫枕
有黃梁熟衾如紫玉溫陽臺無幻夢洗眼看朝暾

煖室

斗室方容膝迎陽綽有餘
唐花同愛護溫樹謝吹噓
整伏君休矣蟲號我不如
笑他東閣閉熱客慣停車

題風雨收帆圖

有序

道光三年六月二十三日
渡江謁南衙後回舟
猝遇暴風中流舵折顛覆者再
戒榜人併力收帆任其所之
乃得抵岸屬吾友葵菴寫風雨收
帆圖爲行看子并系以詩

嚮明渡江來先後趨公府
回車出郭門杲杲日過午涼
颼吹葛衣爲我滌煩暑
舟子艤前津攘臂如搏虎謂當
乘長風片帆疾於弩
一霎湖中流倚櫂自矜許
豈知馮

夷宮頓激石尤怒黑雲駕飛車壓頂挾雹雨江勢比天
高靈胥向空舞帆歆舵又折顛簸同覆鬴舟子抱危檣
低首如伏鼠此時萬慮空一身輕片羽嗟哉我僕夫何
至懺網罟籠頭破傘撐戰栗不得語千鈞懸五兩結繩
斷以斧隨風任飄泊或者得其所誓死乃生之居然出
險阻拍拍水中鳬浮沉到崖澌若非帆早收不免舟先
腐踟復緩須臾膠漆斷難補方知襍職人波臣亦齟齬
棄之不足惜宛轉珠還浦吾腹大如瓠詩腸竟中蠱倒
流三峽泉冰雪都傾吐此疾雖易療此身先受侮回頭
宛澤中陷溺可屈數繪圖系以詩餘勇尙能賈當爲鷗

驚盟弗與魚蝦侶投筆問狂瀾
意氣漸消沮江天宜晚晴耳不聞鼙鼓

周石甫姚葦舫兩明府招同徐竹逸往三山逕
看桂余方閉門養疴憚於遠涉相約在梅子山
酌酒以待兒子琅侍杖從游石甫先賦長律四
章馳示次韻奉答

倦羽離披顧影甍前身羞向鏡中參
高秋露警寥天一平地風迴弱水三
怖鴝堂空羅酒榼冠鼇峯小架詩龕
僧雪塵於斗魁壁後拓丈室過客
留題中有程茂才秉黃山人承增詩
筆尤超脫出塵此花搖落香名古
看到淮南數漢南

却月城西幾度游是誰新闢小蓬邱題襟人散難爲別
羣觴將北行退院僧閒易感秋落葉遠帆歸筵步夕陽隔水

下鐘樓煙雲瞥眼尋常事話到尊鱸便破愁

是日百甫攜同年王

松太守書出示知引疾後買山築樓日與里中耆舊觴詠流連致足樂也

山厨低傍樹根開滿泛湖光待舉螯桂父強畱梅叟住

楓人笑引李仙來

諸君宛轉循山徑而來蓋輿掩映楓林之外余凭欄延盼久之

重招

漁艇尋花市小築糟邱換債臺後會尙須同采菊借君

綵筆盼雄才

暫離塵鞅漫加鞭一宿浮屠夢坦然山到酸寒名漸老

花無黃白氣如仙

僧房有黃白老桂二株花已搖落無存

逍遙空谷誰投

足恨望洪崖我拍肩歸去露華還拂袖好分清影上紅箋

附原作

周鶴立石甫

古香馥馥影氤氳無隱禪從鼻觀參何處眼窺峯六
六有人手闢徑三三布來滿地金成粟悟到前身月
貯龕蹙借坡陀容小憩不須招隱賦淮南

爲約詹同作勝游崎嶇尋壑復經邨不知梅子山頭
路瞥見菱花鏡裏秋比屋魚鱗成水市隔江雉堞隱
城樓偶然偷得閒中趣洗却胸懷萬斛愁

放眼湖山四面開無多賓從集觴疊節過白露餘威

猛人逐紅雲小隊來莫笑耶官原是客須知神女久
無臺千秋何限風騷旨輪與當年屈宋才

夕陽一路簇歸鞭回首前塵亦惘然

座中譚襄慎甫劉蘭若方竹嘯

諸君月湖故事

放浪形骸容我輩平章風月卽神仙不逢羊

角聊垂翼暫學蜩肢且息肩倘有豪情懷舊雨還從

吳管寄長牋

重陽日石甫載酒接福僧寮邀踐登高之約余
以事阻而不果行石甫復疊前韻四首屬和仍
依韻和之

鬢絲如雪拂毵毵獨抱秋心仔細參折柬敢辭觴罰百

酬賤難疊被過三名流挂笏爭題壁古佛傳鐙靜掩龕

楚水吳山新舊雨一時賓主占東南坐客有與石甫同官皖水者

畫裏三山記夢游石甫先以二十年前夢游仙山圖屬題人間那得有丹

邱賢侯鑑古嚴於律謂丁仙坡明府老友論詩澹似秋紫闕白

龍騰窟宅時荆黃一帶江青天黃鵠去江樓振衣便欲

窮千里又恐蕭騷賦四愁

小有行厨福地開山僧釀酒佐尊罍蛭緣谷口千盤上

雁帶鄉心一點來觴月幾人催放棹碎琴有客倦登臺

閉門應笑陶彭澤獨酌原非作賦才

老我疲牛怕著鞭得披芳草也忻然入林把臂終求友

到岸回頭願學仙分道驂騑矜捷足同盟鷗鷺許隨肩
益州十樣空描畫不抵先生玉版牋

附

癸未重九日邀同陳秋麓司馬丁仙坡大令至梅
子山登高湘亭明府因杜門養疴未曾與會旋招莫
楠村司馬偕遊回至接福菴小集疊看桂原韻四首

周鶴立石甫

寒煙衰柳態氤氳絮果花因未易參山徑盤盤坂折
九川簪鼎鼎客來三側身大有蒼茫想容膝聊成自
在龕楠綠橙黃好時節令人那不憶江南

令威跨鶴記前游

仙坡白嶺赴皖每蠟展招邀陳大
往來必登黃鶴樓

邱秋麓司馬甫自

倒景日光能鏡海無聲詩史欲絃

秋君以杜門養病

蝶魂栩栩滕王閣鴻爪茫茫

謝眺樓同是一般疎傲骨登山臨水不言愁

一角茆菴爲客開雲浮花氣照山疊頭仙欲與飛仙

約今雨兼同舊雨來漉酒商量陶令憤碎琴惆悵伯

牙臺卽看鸚鵡洲邊草曠古誰憐絕代才

流光飛矢捷於鞭自顧頭顱亦蹶然往事如塵都是

夢此身無累卽爲仙蟲含霜肅鳴孤掌花被風欲躲

一肩寄語維摩老居士欲從吟館乞蠻牋

時擬從君乞紙

石甫示和秋麓司馬登梅子山七古依韻答之

振衣平視樓百尺八九氣吞雲夢澤翠微一角隱山房
曾招石丈訪梅伯君今呼我再登山我方閉關非避席
掃花久已別仙壇證果不須到佛國多君嗜好殊鹹酸
難得艤舟有二客客來寄訊郎官湖敬亭山色還如昔
也知籬下獨酌人眼底秋光輕一擲主人控駕如飛黃
賤子棄兵早曳白此詩未和先傳賤字字驪珠嵌空碧
如上丹梯最上層秋水長天不相隔

漢江秋感十首

有序

余旣解漢南之組寄跡荒園養疴杜門每當香
清茶熟時聞落葉打窗蟲聲四壁不禁風雨飄

搖之感因憶所及拉雜成詩十首以脫藁在茲

秋山館中因名之曰漢江秋感云

滔滔江漢竟如何百感蒼茫付逝波
開府旌旗歸海岱將軍裘帶渺山河
碎琴臺上知音少槌鼓筵前老淚多
要挽狂瀾須柱石陽春畱與郢人歌

也抵風迴海上舟聽其所止放中流
山如人立雲垂脚江比天高浪打頭
牛渚然犀原太偏貝宮張網果何求
要津不向波臣問笑控長鯨等玩鷗

記癸未六月二十三日覆舟事

非關勇退乞閒身猛雨盲風入夢頻
僕病未能聊謝客臣精已耗不如人
無官從此歌彈缺有子居然學負薪

編次殘詩還自慰年來禿管漸回春

逢場竿木戲侏儒二十年前早濫竿敢遂初衣安襜褕

尚畱故紙畫葫蘆

告病人員起用後例補原缺

刻舟未必因求劍買

橫原非要市珠深淺蛾眉都不中轉勞鄰姥惜羅敷

故人

之官於朝與持節遠力者各以書來慰問

某收殘局子縱橫褻手旁看得失爭牛有善刀庖易代

蠅非誤筆畫難成鼓蘭一翦蓬蒿隱樛木千章葛藟縈

相顧題襟人漸老爲儂四壁寫秋聲

周石甫明府以髫年鼓篋之交自江

川因公來郡以余閉門養病相與唱酬今得詩多矣

衙參邀免去江東讀書斗室中隔水樓臺難得月

先秋山館不禁風

漢陽距省一江之隔亦號稱首邑所

絃秋下車土或疑馮婦失馬人偏賀塞翁一樣河陽花

百里榮枯何必問天工

本無三徑闢林華侈說歸耕願學陶管子畫龍羞續尾

孫陽相驥喜吹毛填橋轉盼鳥爲鵲補樹難分李代桃

乞米書成應自笑人言孔奮處脂膏

時求書者踵至卽書乞米帖以解嘲

千尺花潭小有堂一枝許借陸家莊門無游客傳芳訊

自解組後快風蕭瑟無投書之客叩門次座有名賢挹古香

吾友金葵菴畫李杜歐蘇四公

之像懸退一步軒中檐前

行路幾人思漢廣殷雷此地

遠山陽

交處暑節後已不聞雷聲

俸錢先已銷除盡餐得秋英濟鶴

糧

淚灑黃蘗認酒痕

謂黃嘯崖明府乞退還山先已病逝

襄陽耆舊幾人存

人時花樣絲難買垂老蘭言玉比溫

謂懷甫裴文與錢竹西司馬

不

信羊亡終獲鹿也甘蠮屈避游鯢受知別有千秋意非

感吳公一薦恩

稼門尚書朗山宗伯與焦園官保筠圃司農望坡制軍皆平日受知最久而曾

邀薦達者今方求退以不付終老巖阿惟撫膺感愧而已

折腰二十有三年眼見飛僊與謫僊鸞鳳換巢黃鵠舉

黿鼉架海白鷗眠鏤金有口何爲者鑄鐵無心任自然

作吏不如詩筆老拋殘縣譜譜秋絃

題石甫仙山記夢圖卽用見贈結交行長古元

韻

求仙不得乃求友俗客紛紛望塵走塵海難容一葉舟
僊邪鬼邪都非偶君才如海筆如仙曾吞雲夢者八九
記向廣寒宮裏鏗雲璈袖拂天香摘星斗奈何天風引
去三神山白崖而返義何取母乃仙之人兮翩然來迷
離在左恍在右偷寫泠泠絃外音清人七條瘦玉排闥
牖就中湧起金銀臺六鼇出聽咸俛首未終一曲若有
思所思長爪難搔背偃僂豈知碧城杳杳去青鸞白雲
茫茫幻蒼狗等閒泛若水中鳬人識王喬雙舄飛來否
從此傷心慣折腰何曾矯翼長舒肘無聊結想到仙都

要見壺公桂父與木公金母重檢前身手掌赤文註籍
某小謫蓮華峯下廿餘年十縮銅章碑在口書成坐着
萬人讀獄成待折片言剖所至變通刀犢無崔苻隴有
嘉禾庠有樵仙手栽雲花縣花仙心刻露柳州柳始信
福緣到處夢安恬未必瑤臺玉宇真烏有揭來江漢傾
僊山難得采芝仙侶同攜手漢川西郭外有采芝山石甫自皖江來楚先權是邑
爲余昔年承我正收帆見此圖驚濤拍岸沉嗟久髫年
乏之地故云同學老同官回憶紅塵歲辛酉自辛酉出都後至上蒼年夏秋之交始晤
茫百感付秋光不如展向伯牙臺上侑之以醇酒伯牙臺在
漢陽郭外是日借石甫登山尋碎琴遺址吾儕聚散同飛鴻先生長句能補

造化功

石市長歌得力於太白前後
馳贈七古二章僅和其一

有時絳霄吹鳳律

我比號寒小鳥不敢鳴嗒嗒
碎衣蘿帶山鬼笑蠻獅香
象天魔從華胥好夢夢不到
祇夢成連移棹彈迴風

附
結交行

周鶴立石甫

結交須結鸞鳳友作官莫作牛馬走
少年意氣重青雲輒謂平地非我偶
奇遊直追三島三壯觀欲歷九
門九天風一朝吹墮蓬萊宮亦復低
顏折腰爲五斗始歎造物於人太狡
獪奈何不以所得償所負
湘亭先生倜儻才子雲相如
競左右亦嘗探雲肩攀月牖
搖五色之仙豪迎

六飛而稽首今乃倒持手版二十有餘年循循然
命而偃再命而僂卒使織錦之心粲蓮之舌棄置同
芻狗有客聞之唯唯否否君子以經綸事在運諸肘
千秋仕學久分途畢竟文章翰墨與溝洫農桑孰先
而孰後杜稱父召稱母漢循吏輩如某某先生捧檄
楚江來甘棠之愛歷歷在人口滯牘曷弗宜疑獄曷
弗剖能以墨雨灑芹香雅化洋洋及薪樵一片河渠
保障心道旁人指沿堤柳卽此興頌陳

天聰亦於召杜乎何有我生同學長同官卅年未得
相攜手回憶龍門海岱高分曹作賦含豪久

乾隆戊戌劉文

清公督學江南君與鶴同人膠庠已亥秋文清公傳
諭趙約亭命鶴爲獻賦之舉而鶴以年幼未獲觀光
直至巖坡聽漏時未及通年問卯酉嘉慶辛酉鶴與
君同挑楚北又
以親老改
近到皖何乃電轉星馳各自飛揭來鸚鵡洲前同
酌蘭陵酒吁嗟乎人生離合如雪鴻別有天巧非人
功朝陽之羽聲邕邕一鳥首呼百鳥從豈使南海北
海而有不相及之風

絃秋山館插菊

主人訪菊如訪友籬下筵之居座右腰肢不折折花枝
菊遇主人亦低首秋深黃葉掃階除山館只餘花一畝
今年霜信故遲遲菊肯升堂入室否輪囷大東挑滿擔

童子析薪婢擁帚肯教狼籍付西風
檢點秋容戒園叟
剪裁露葉披煙茗薦以寒泉侑以酒
主人拂榻張几筵
插徧軍持索嬰瓠土花苔繡光陸離
搜到尊彝與敦卣
泥丸洗淨冰半甌金線搓成絲一絡
截筒方欲刪簪簪
濫觴難免投瓊玖

盆之淺者以碎石壓花枝而插之

宰官現相繫袍身

徵士無言守瓶口安排位置出天然
一任參差非矯揉
或演陣圖故錯綜或占卦象分奇耦
或開粉壁圍鎧屏
或嵌紗幘懸印鈕高如雲外笑拍肩
低如月下舞垂手
半翦猶畱附萼雙一莖忽現靈芝九
紛紛色樣總不齊
併作幽香方耐久嘯歌依舊傲風霜
屈抑豈能戕杞柳

此花晚節終不渝偶然插脚塵中走回頭桃李嬌三春
夕英不與朝華朽孤芳相賞到簾櫳那管秋聲振林藪
夜闌移燭照花間菊影滿身人影守

寓齋小圃碎石欹斜且有埋沒土中者聚而壘
之四首

小圃拋殘石難尋舊洞天零星苔繡古刻露土花鮮峭
折開三面孤高透一拳曾經袍笏拜也復臥蒼煙

雨逗原無迹雲生自有根空靈心不轉光恠手難捫非
受脂膏潤還畱斧鑿痕補天須妙筆誰與采崑崙

妙有坡陀趣雲林畫裏收種松同樹骨戴土不低頭破

井流泉洗奇峯積玉浮張琴宜小坐掃葉自絃秋
補就天衣縫幽從曲處攀嵌空懸乳竇縮本借盆山細
草層崖貼繁花側徑刪厓裴羅盡去爲我守柴關

次韻答徐蓮峯吉士 寶善見贈之作

長鯨掣大海巨鼇戴靈山高建都盧幢豈屑優孟冠洋
洋五言古汪汪于頃寬當年玉山閣先集球琳刊君有
萬斛源倒流三峽湍卽今奪重席閉戶守一編結交皆
老蒼遇我尤折旋我雖謝塵網坐臥猶針氊此身鶴在
籠此心魚忘筌滔滔中流水誰辨淪漪漣高高大別山
難障風雲煙退院同閒僧入室友古賢敢云賦歸來行

止任自然若以珊瑚筆點染枯枝妍吾慚抱甕叟擊缶
賡瑤篇

附原作

徐寶善 遊峯

才高不偶世長揖歸南山獨抱冰雪文不羨貂蟬冠
民懷去後澤浩浩湘江寬我我翼際山會見羊碑刊
丈人絕纓笑逝夢如奔湍身隱焉用文癖嗜惟卷編
金門昔獻賦先德相周旋家貧驅作宰官拙仍青氈
一朝解組綬如魚脫箠筌靈巖峯礪礪震澤波涓涓
暮醉金谷月朝耕洞庭煙誰能媚權貴脂韋作時賢
達人卓高識進退何夷然三徑猶未荒籬鞠爭霜妍

劉酌白衣酒高詠歸來篇

爲葵菴題采芝圖貽石甫四首

國色天然筆一枝美人芳草卷中詩

葵菴畫法超妙尤工於美人余曾書

處士梅花湖上夢美人
香草卷中詩一聯贈之

而今劃斷天人界不寫簪花寫

采芝

所畫簪花圖石甫
與余皆有題詠

我種仙山草一莖君今管領到蓬瀛頭銜同署陽臺長

眼兒芝英五色呈

白頭不稱河陽令只種仙山草一莖
余曩年漢川登采芝山舊句按芝山

又謂陽臺山上有仙女
祠在川邑之西郭外

分明仙露染豪端漫作朝雲鏡裏看他日雙鳬早飛去

要從掌上覓金丹

畫裏三山記夢游

石甫有夢游仙山圖

琪花瑤草徧滄州相逢玉

女嫣然笑舊日仙曹也白頭

題對雨懷鄉圖爲蘅儂作兼示葵菴

客久還鄉尙不易何況以官爲家非久計我正收帆乞

補圖

余乞葵菴作以雨收帆圖未成而退志已決乃先記之

圖未成時先作記此

圖命意將毋同雨君少壯非冬烘奇氣直欲摩蒼穹有

時長篇短句諧絲桐雨珠雨玉咳唾中胡不伸臂躡足

蓬萊宮濡筆一洗煙雲空

葵菴曾入畫苑文藻翩翩長安貴游多有譽之者

否

則手編治譜師乃翁

蘅儂爲名父之子尊甫竹西司馬與余同宰江漢首邑所著松風老

屋詩集爲海內交游傳誦不獨政聲載口碑也雨人同

謁大府皆以竹西洲亭呼之而不名其官自竹西去冬

遷白河司馬星霜已易余亦浩然有歸志藹懷注籍郎官而不謁選喜與文士結緣所著古近體詩小樂府與騷體之文綽有父風以余杜門養病時相過從出此冊屬題故并誌之河陽香雨披芳藂

頭銜百里稱花農何必買田陽羨心忡忡斬蘄之刃藏其鋒兀坐燭影搖窗紅街鼓三下聲聲籬籠頭破傘走短僮攜燈相逐話未終此時主客方從容花飛雙管酒百鐘稿未脫手竹在胸湖山穿破雲玲瓏板橋斜折鄰牆通吾儕蹤跡泥印鴻年年送客江之東雨新雨舊同飄蓬吳頭楚尾山萬重那得身騎黃鶴乘長風風蕭瑟雨不止點點鄉愁何日始百感蒼茫方寸紙畫者金山人序者錢公子公等歸帆未東指我爲寓公老於此

竹西自白河奉檄回至鄂城以余引疾去官渡
江枉顧信宿山齋出新詩三卷見示即用集中

前後寄懷長律二首元韻奉題

揆天才筆劃三都

白河扼秦蜀之交爲楚北邊隅竹西上書條舉新設事宜今劃疆甫定

惟我終難化白鳧

杜詩有化去白鳧成老翁之句老友談心忘爾汝新

詩脫手共伊吾碎琴臺古鴻泥印吹笛樓高鶴夢孤借

病拙身歸未得非關觴月滯南湖

籌邊定遠首重回倦擁朱輪氣未頽巫峽雲連秋色迥

秦關風帶夏聲來

界連川省巫山與陝省平利

除將劍佩緩蠻徽繡

上弓衣展霸才屈指江城殘雪夜寒鑪尙有退翁陪

竹西

願求退而不果因以贅翁自號余
自引疾後亦以退翁自署故云

附聞湘亭獲盜保薦格於部議奉寄以詩

錢清履

竹西

一紙封章達

帝都青雲未許脫雙鳬我來山國如遷客君住江皋
感故吾自昔長城壘對峙只今遠道門同孤豈因倖
筆追仙李戀戀郎官十畝湖

附途中聞湘亭引疾去位得詩先寄漢臯

錢清履

竹西

我也荒陬去復回聞君宦興忽灰頽一官久住衝繁

劇三徑忍令歸去來客有戒心因示疾世多公論自
憐才試看芳草晴川外不少人思泉石陪繼君而引
退恐正有

人
矣

竹西疊前韻二首見答仍依韻和之

本無奇策比江都泛泛真同澤畔臯敢望還珠投法嗣
也會切玉試昆吾人言熱宦神當媚我伴寒缸影不孤
同語鱸鄉亭畔雪權歌聲裏憶鶯湖

狂瀾滾滾手難回庾亮登樓興漸頹烏鼠那堪同穴處
鯢鯢非爲冠山來長鑱方擬從工部短袖焉能舞善才
衙鼓蓼蓼漏三下詩逋應許過時陪川東
坡句

附湘亭用余山中前後寄懷長律二首韻見題近稿
並疊韻奉酬

錢清履竹西

漫論大邑與通都僻住蠻陬經歲鳬優並登場聊復
爾書生結習好從吾重聯槃敦情猶昨共對江山興
不孤我亦遂初擬作賦西風蝦菜夢駕湖

歷碌柔腸日九回惟餘崖岸不摧頽退之未必送窮
去子厚何曾乞巧來鼠穴乘車皆睡漢金貂換酒是
僊才殘年風雪圍爐話願撥陰何晨夕陪

竹西再疊前韻二首催和仍依韻奉酬

搏風無力上清都弋雁何堪更弋鳬我羨吳中歸季札

謂同年王松太守

君如江左用夷吾新詩臘鼓三搥疊遠夢春

帆十幅孤茶竈筆牀先位置相招皮陸泛晴湖

我奉降書棄甲回豪隘不放玉山頽飄風卷籜吳鹽掃

流水傳箋郢雪來司馬也應彈老淚黨牛那肯忌凡才

勞君三顧袁安臥入座兼邀李杜陪

竹西下楊山齋壁間有蔡菴所繪唐

賢李杜兩公之像故云

附連朝風雪因公渡江皆下楊湘亭寓齋翦燭清談

再疊前韻二首索和

錢清履

竹西

四山積雪恍瓊都小艇如飛一水鳬掃榻客留徐孺

子挑鐙曲數上

聲

庾肩吾馬真上乘途偏蹶琴有么絃

調轉孤試聽唧蘆嘹唳雁可憐鷺鴨雜江湖

逼歲光陰斗柄回臺云避債氣先頽君如閉戶偃袁

臥我似乘舟訪戴逵豈以違時多感遇何妨退舍不

矜才

和亭白號退翁

傲裘相對高吟處那羨豪門珠履陪

漢陽距武昌一江相望今年江水與漲挾流沙

而至及水落沙渚中有一洲行者不得徑渡須

紆道乃濟卽余前此收帆轉權處也小峯明府

渡江亦爲阻滯作歌以誌從而和之

武昌魚上晴川樹今年江漲東流去水落沙渚見一洲

燕燕雙飛不得度

渡船之小者謂之雙飛燕

有力能逞天吳驕無波

尙激馮夷怒遂令利涉轉紆迴安穩帆風改其素若非
截流爲網罟之張奈何扼險如津梁之據爾乃自誇砥
柱託中流毋乃人笑九泥當要路那得天風鼓浪徙鯨
鯢窟宅掀翻浴鷗鷺此時誤投蟻穴認龍門不知一洲
首尾難回顧吁嗟乎瞿塘雖有石三峽飛泉自朝暮襄
陵豈無隄一片拋沙不完固何況大江千古流湯湯非
比溝瀆易盈而易涸不見年年水溢閼滄桑南州北漲
如恒河沙數君有乘風破浪時歸帆我亦橫江渡

附
原作

龔豐穀 小峯

武昌城漢陽樹中隔長江浩浩向東去千帆萬艘朝

暮來一瞥輕於飛鳥度雪風捲落浪影寒鯨魚掣動
風聲怒天生險隘不可踰恃有忠信安吾素中流胡
自生沙洲蜿蜒隱作要津據既非龍門砥柱迴狂瀾
又非瞿塘怪石撐峽路飛來粒米戴羣鰲騫起蒼烟
散飛鷺舟子到此不得行退避湍流愕相顧丈夫有
志在四方欲濟窮途悲日暮知水不與水爭地奪流
焉恃九泥固明年春水生不比冬水涸巨靈一擘魚
龍驚區區蟻蛭何足數乘風破浪會有時今非其時
慎毋渡

龔小峯

豐穀

石曉田

胸

兩明府先後同宰天門

今奉調漢陽又先後受代余亦二十年前天門
舊尹也感賦二首

渤海有古賢變通化刀犢天乃投鉅艱襄流肆其毒一
手經畫之民氣始能復盼到轉康年瓜代一何速沌陽
視竟陵治理豈殊俗先時與後時智者不待卜譬如雞
肋棄不比羊頭熟較量得失間此意向誰告君懷殊坦
然守身等執玉流輩曳長裾同心愛方幅枕琴夢松風
天民尙尸祝

竟陵廨東有枕琴堂余
二十年前聽訟之所

我昔權竟陵石兄宰江川

謂一峯同年

授我以治譜兩家通

郵傳相隔十七載君飲陸羽泉才名本卓犖圖治求其

全疑獄片言剖過我時折旋論文翦官燭筐戴文昌聯
卓哉松滋侯領此蓉城仙甫卸松滋篆星沙與漢水先調相黃岡
望同長川雙鳬肯延佇振翩凌蒼煙嗟余成退鵠況遇
回風偏歸心懸五兩尙滯寒江船安得脫樊籠許我化
木鷲

附和作

龔豐穀小峯

慈母無異情愛子甚舐犢良醫無異能去疾急攻毒

君昔宰竟陵艱難勞顧復

先年天門被水君爲築隄防禦並捐賑恤焉

再

遷沌陽令奈何身退速

君於七月引疾乞退

我來步後塵入境

先問俗宦海歎升沈誰爲疑者卜去年竟陵災今年

秋大熟到此枕未安又聽哀鴻告恨無避水犀恥作
荒年玉碌碌愧知心纏綿詩滿幅喜聞新尹賢足慰
黎民祝

時余因案解篆
曉日調攝漢陽

茗香因余引疾去官自應城買舟至漢陽下榻
山齋爲訂 賜綺堂集成於其歸也賦詩四首
相贈

罷官臥荒江人比舟藏壑三接鯉魚書生言不負約閉
關擁寒衾聞聲蘇病鶴攬衣出庭除握手共驚愕謂余
履波濤身未飽鯨鯢謂余脫樊籠心不侔燕雀所嗟頭
項強弗肯受束縛所喜腰脚倦頗能甘寂寞一朝謝塵

纓抗志何落落廿四卷書成借此好商畧願爲十日酉
編次到近作若非亟抽身安得有此樂

生言殊有味顧我還躊躇書生牛馬走屢握赤緊符不
惟筋力瘁計慮亦復靡琴心同筆手一例拙且疎平生
諱著述交游無毀譽偶然寄嘯歌未必妨政餘長官與
僚友往往笑其迂然而責諾者紛紛如索逋寸縑乞點
墨稍緩遭揶揄性情顧弗繫僂塞宜覆瓿少作更頑艷
未暇刪繁蕪借君五紋線穿我百結襦

王郎受生詩

謂雨香

敷藻一何綺濂溪守安州相驥九方

比示我四章詩謂生首屈指我本無寸長出藍頗自喜

若香學詩於余爲覺生先生所賞爾香學詩於若香又
爲周廣巖太守所知見太守題余拙集詩四首述其淵
源生不出戶庭篤行著鄉里後來賢宰官稱名自隗始

老夫所願聞一一書諸紙

繼余宰蒲陽諸君枉過牆西者皆謂生能敦品力學

新綠園積書堆滿几林宗先漉巾

郭鑾坡孝廉

季方後脫屣

陳翊門茂才

同學六七人席珍聚於此當與駕飛黃梯雲拾

金紫縣令不可爲爲我告諸子

科名豈功業制藝能取之置身第一流所重不在茲立
言關氣節樹骨非畱皮千秋爭一席古人良可師生年
方少壯才博識亦奇能以驪龍燭照我殘蠟脂勿以鷗
雞弦續我僵蠶絲問世出賢豪祇此筆數枝所造各有

得豈能一手持生常探其源不爲習俗移經明行乃修
他日快設施區區文字間未足酬所知

謂鮑覺生先生
以第一流相期

賜綺堂集卷十七詩目

黃山小松石

寄懷巴菊農太守

碩民

二首

題平森亭竹趣圖

楊竹唐明府

昌

以冷金裝拓幀子屬書旣錄近

作於右並賦此詩贈之

徐蓮峯太史

寶善

招同程也園吏部

振甲

熊夢

庵觀察

方受

小飲月隄之別有僊源二首

全椒金子春茂才

旺華

介其友黃芳谷

至堂

王

第花

林杏

求題湘江歸棹圖

題鄭墨莊漢江攬勝圖二首

答徐茂才和余崇福寺看花二律

題沈丹轂囊琴圖二首

題蓮心太守瀟湘卷子追和闓齋同年原韻爲

徐履思作

有序

鶴樓雅集圖爲張寄琴孝廉題

金子春以筆山吟館紀游詩見示卽用卷中登

晴川閣次黃芳谷韻題之

題阮谷簾大令

克峻

待渡圖

題王芝香

士標

客裡家山圖

和包十七怡園十二詠

鬼鑑圖

有序

竹西司馬繼余引退賦詩二章馳示次韻奉酬
裘丈慎甫以余與竹西司馬先後引退各贈詩
四章次韻奉酬

竹西用裘丈與余倡和四章前韻見贈因疊韻
答之

題松風老屋圖

有序

書亡友徐聞齋同年病鶴賦後

題東歸贈別圖後卽用卷中曉嵐尚書原韻

並記

貝子集
問詩圖爲蓮峯太史題

題蓮峯如園圖二首

寄濤圖爲程弈泉山人作圖係黃山僧澹庵所
繪

竹僂以江州華生所畫醉鍾魑圖屬題

汪雲田上舍求題萃田書屋畫幀

爲人題鄰舟邀笛小影二首

題人聽秋圖

題人秋日讀書

題人秋山行旅

題人平湖泛月

陳景華運判

在文

屬題柳塘春水漫花塢夕陽

遲畫扇二首

洪晉卿蒲團趺坐圖

彭讓邨貳尹

求敏

與余同官漢南余引退後讓

邨亦請假杜門適五十揆辰賦此二章奉贈

客有畫不倒翁於几上群兒爭取手莫能及一

乳媪抱兒舉手取之因作此歌

喻蘇門上舍

光煦

求題西江槩舫圖二首

賜綺堂集卷十七

吳苑 詹應甲 鱗飛

詩

黃山小松石

兩松高尺餘戟髯細而瘦穿破石一拳鬱蟠非矯揉
盆山鋤片雲蒼蒼小結構一松仰而承一松俯而就宛如
相笑言露齒粲然秀松耶與石耶阿咸不窮究以之娛
老夫作朋有三壽吾姪豹文移自黃山寄余千里之外家山千里外到此
遇耆舊延之入室中方寸古心厚相携几席間何必居
巖岫孤高斤斧傷拳曲枝葉茂不許俗手扶肯留奇骨

售

一株已半枯植之兩年始茂

小影寫煙霞縮本做篆籀螭屈會有

時敢作怒濤吼松性尚可移人肯爲地囿他年化石飛
相約歲寒後

寄懷巴菊農太守

碩民

二首

江皋同艤木蘭舟廿載粉榆話舊游白傳風花唐軼事

桓寬鹽鐵漢名流棊無冷暖能終局筆有疑難始借籌

菊農紀綱醴政講求平準者多倚重之

君去山中人問訊一牋笑我未能

收

眼中河漢總紛紛拋却瀟湘一片雲可許論心同介弟

難忘賦手失徵君

謂大阮與余爲同徵老友今歸道山矣

栗魚倘寄波三

折簫鶴還留月二分尚有東南耆舊在兼懷也歸來爲
治蘭絲莠

題平森亭竹趣圖

種松拜大夫於我尙未足種橘封大戶於人豈無欲何
如種篋簪全家享清福此君胷中秋挺出萬竿玉家世
青琅玕比德在淇澳所以子孫賢干雲出嶰谷結交到
老蒼氣節凌寒綠君居乃有鄰君飯非無肉子猷與子
瞻不瘦皆不俗

家山陰宦游
江黃之間

題襟涼月來出袖好風續

雖未謝簪裾偶然拋簡牘識君廿餘年不改真面目揮
手寄瀟湘洗耳奏琴筑君方鳳鳥翔我已鮎魚伏竭來

禁作詩不肯露芒角喜見君此圖兩字平安祝余詩剖
竹成破戒不隔宿來朝開櫻厨燒笋侑尺幅抵掌話吾
廬醉君同醉竹

楊竹唐明府

昌

以冷金裝拓幀子屬書既錄近

作於右並賦此詩贈之

隔年梅雨洒江城

卸黃梅篆後
留滯江干

出岫雲從萬里生

家真中

卓魯口碑留治譜王廬手筆定才名君抽蠶繭心猶繫
我印鴻泥瓜未成一葉韭花家法在敢將殘墨浣瑤瑛

徐蓮峯太史

寶善

招同程也園吏部

振甲

熊夢

庵觀察

方受

小飲月隄之別有僊源二首

依舊雙橋架彩虹畫圖重展鏡當中招尋笠屐非生客
點綴湖山要寓公退院僧閒前席共傳燈佛古幾人同
至人與二客先後同登僧閣也園
吏部與余爲甲辰召試同年桃花那肯隨流水珍
護深紅與淺紅

鐘沉樓角遠塵喧寂寂招提鶴駐軒三絕碑名留福地

寺名崇福太史先澤留題四時花種借鄰園寺僧靜山花甚繁焦桐隔水魚

空聽面琴細柳沿隄鳥自言隄名郭公乃前守所築十年前見桃花庵落成曾有

郭公隄外無閒土只種桃花不種桑之句爲好事者流傳追余宰漢南花繁如故無以解嘲因榜於寺門曰種花婢柳護此長隄勿翦勿伐郭公所遺今而後吾知免夫前度劉郎應笑我翻從佛

壁證僭緣

全椒金子春茂才

匪華

介其友黃芳谷

至堂王

第花

林杏

求題湘江歸棹圖

江頭送客折柳枝離懷難綰愁千絲
瀟湘水雲夢見之此圖未成先有詩
鄉關樹色關心早歸舟要趁帆風飽
非同佛子戀空桑

家桑根山下

能報春暉憑寸草芝仙作畫

送君還意在蒼茫杳藹間回首數峯青
歷歷蓬心老手

不能刪

區爲常芝仙手摹王蓮心太守舊本

新詞到處推黃九

芳谷工填詞

紅

香花前交石友

第花先以行看子乞題

贐行珠玉壓歸裝點墨未

加先退叟我亦收帆曾補圖至今江上夢
菰蒲湘靈笑

我空投瑟何日扁舟歸五湖

題鄭墨莊漢江攬勝圖二首

百感蒼茫裏滔滔自古今補圖指老眼作賦寫雄心大
得江山助渾忘歲月深中流頻擊楫凝眺覓知音

漢上題襟客含情緒墨間樓臺渺河漢金石點煙鬟

幘首

五字爲煙鬟閣夏叟所題

黃鵠有時舉白鷗終日間採芝遇僊侶何

不畫家山

答徐茂才和余崇福寺看花二律

老筆顏唐漸隱虹喜探珠玉出囊中
竭來懸榻延徐孺尚憶停舟訪郭公
溫李新聲餘子擅龔黃舊澤幾人同
遠經好趁華年讀莫負牕西燭影紅

羅雀門無衆鳥喧
小欄花影上西軒
光風近接羅含宅
涼月能窺董子園
總角兒嬌初問字
抽簪人倦早忘言
勞君投贈雙聲疊
可許同傾萬斛源

題沈丹穀囊琴圖二首

焦桐何處遇中郎
海月天風亦渺茫
除是松心如太古
爲君洗耳譜宮商

君尚囊琴我碎琴
新詩題罷費沉吟
平生領畧無絃趣
不向高山問賞音

題蓬心太守瀟湘卷子追和閔齋同年原韻爲

徐履思作

有序

閔齋刺史所藏蓬心太守瀟湘卷子乃從瞿花
農通守攫得之者畫與詩可稱合璧皆癸丑年
作是年余與閔齋同報罷出京一至楚一至於
越迄今四十年來不但畫者與主者皆歸道山
卽卷中題名濡墨大半舊游先後化去能無渺
然今昔之感履思爲刺史文孫此卷傳自諸父
行先後什襲而藏今乞加點墨亦以余頽然一
老與君家三世論交不可無一言綴卷尾因追
和原韻累敘生平聚散之緣仍歸履思世守焉
玉山主人客沌陽掛帆歸趁西風涼別駕停舟乞題畫

袖出橫卷圖秋湘湘江之水清澈底作圖老守居同里
翦取歸帆一片雲飛入徐陵行篋裡詩成氣奪瞿花農
美酒喜與豪士逢長安花前同展看相隔水雲又幾重
玉臺珊架世相守畫出蓬心詩繡口四十年來筆墨新
蒼梧斑竹今烏有茫茫百感生尺幅舊雨傷心同折足
三世交游題此軸君身已僊我骨俗同年那得三生續
江峯青入江波綠我歌敢和湘靈曲

鶴樓雅集圖爲張寄琴孝廉題

如瓦江山稱雅游滿裝金薤孝廉舟群僊聯袂皆雲鶴
有客乘槎揖斗牛杯底雄風吞夢澤卷中醉墨寫滄洲

千秋只問樓西月更照何人在上頭

金子春以筆山吟館紀游詩見示卽用卷中登
晴川閣次黃芳谷韻題之

新詩吟罷溯淮陽中有長篇接混茫
搖筆移來山嶽動傳箋味到雪冰涼
三槌鼓氣吞雲夢九曲帆光畫雨湘

時以湘江歸棹
圖丐余題句

攜向晴川樓上讀許邀僊月共浮觴

題阮谷簾大令克峻待渡圖

君綰江夏符我借沌陽箸君才倍於余攬轡急先務君
年少於余折節守故步江漢水中分同舟喜相遇先後
掛帆來宛轉揚舠泝方春風日晴榜謳出煙樹相與賦

叩須不唱公無渡維時賢長官手持濟人具滔滔窮澤
中力抵龍門柱逝水不生波一葦飛鳥度何年鼃岫移
鷺地蜃樓响相隔馬牛風竟激蛟鼉怒我舟浪打頭雨
雹來何遽黑雲壓危檣顛覆在指顧謂當拔鯨鬚幾致
投魚肝併力乃收帆到岸尚驚怖從茲啣尾鱸捷比追
風馭橫江樓櫓聲旌旗駕煙霧一霎渺滄溟中有巨靈
助紛紛笑鄰舟退鷁同散鷺未曾托中流那得爭先路
要知波臣心扼險豈無故嗣宗眼界青占風辨朝暮暫
停江口橈非問要津據一襟嘯雄風扣舷頗暇豫起舞
看鯢鯢忘機狎鷗鷺回頭戒榜人一纜維持固踟復忍

須叟小住非常佳此君定力堅不何急流赴風旌五兩
懸敢云列子御乘時且待時忠信安吾素長天一鏡平
犀照已全露涼颺吹舵樓纖月隔江吐

題王芝香

士標

客觀家山圖

山人守身如執玉手招玉山人我屋客久還山作此圖
羣玉森然就尺幅家山從此歸篋中九華不用壺公縮
數千里外同臥游瑞光照人常在目蓮齋掛壁生煙雲
松舍沿籬雜花木想到山南愛日長頌椒春酒介眉熟
居然作客日還家攜得家山勝五嶽聞君取友與尋山
去就分明曾有竹天臺鴈宕捫星辰峴首隆中問樵牧

揭來飽看武昌山青天廓然舉黃鵠

時辭武昌蓮幕

公瑾交情

如飲醇北行草草征車促長安天遠夢家山畫圖當共
行裝束君來話別乞題詩山館絃秋展此軸四十年前
思舊游每因朋試上林麓葦菜橋頭抱甕眠桃花洞口
携書讀白頭重看畫中山也比浮屠戀三宿君行題此
當驪歌翻笑詩成何太速吾詩何敢貌崑岡幸與片玉
藏諸櫝

和包十七怡園十二詠

十分春醉瓊筵酒百斛香圍畫檻風平地樓臺高北斗

賜緋不與衆芳同

亭北春紅

高梧百尺漸陰秋寫影空廊似水流疎雨不來新月上

碧天涼浸一襟幽

廊西秋碧

到此探幽徑未窮森然玉立水雲空全憑直節留餘地

方許羊求拜下風

仄徑竹深

銀塘一角水澄泓露瀉珠盤翠蓋輕荷氣不如人氣靜

鏡中叅到妙香生

澄池荷淨

牆陰扶上幾重花滿架香風散落霞我欲與君朝浣露

凌霄千丈許同誇

薇架花香

屏山六曲護迴廊宮錦同披鬪曉霜要補銀塘留綵筆

月波捧鏡寫秋芳

蓉屏月影

近市居然遠市寰
鸞峯一角點蒼山
淮南賓客尋常到

身在天香萬斛間

小山紫桂

百折嶙峋石骨寒
洞天一綫豁然看
華嚴樓閣空中現

實脚從來縮地寬

曉石洞天

石磴千霄轉處迷
恍疑東閣枕西溪
冰霜匝盡香名古

還借梅花老筆題

曲磴古梅

長虹飲澗出楓林
界破蒼苔下碧岑
要寫寒濤入吮卷

有人掃石正眠琴

懸崖瀑布

層欄曲榭卷簾齊
貼地氍毹燭影低
懷古蒼茫無限意

餘音風送畫橋西

平臺歌舞

唐書宋札手撫臨萬卷收藏嗜古心天籟雲林同此閣
江山風月約題襟 高閣琴書

鬼鑑圖

有序

楚俗信鬼非菰黍之節亦懸鍾馗畫像於庭謂
當辟邪適以召鬼甚至中雷竈戶之神皆避席
讓之弗肯與鬼伯爭雄於是羣鬼之揶揄特甚
及其旣也雖髯而偉者仗劍挺立莫敢制焉劉
君臨園作鍾髯攬鏡圖丐題竹西郡丞秋舫明
府各賦長歌窮極鬼態余亦仿其意爲之屬葵
庵重撫墨本名之曰鬼鑑因錄此詩於卷尾爲

說鬼者下針砭正爲信鬼者投藥石耳

鑑人患面生鑑鬼患面熟所以地獄中變相三萬六愈
變愈出奇面面轉轡輓屢照神不疲喜怒從所欲阿髯
鬼之雄群鬼望塵逐愿者充饌饘寢皮而食肉黠者供
使令推心焉置腹其徒有五窮爲害甚五毒朋比張爪
牙搜攫寄耳目髯也鞭雷霆鬼卽燃爆竹髯也灌醞醕
鬼卽釀黍穀側帽簪紅榴有鬼如鳥啄高座跌青蓮有
鬼如兔伏長跽擁冰輪一鬼睨而祝祝公氣昂藏聞者
俱齟齬祝公狀猙獰見者便匍匐背劍掣長虹三尸同
懾服腰笏趨上風一夔任把握張綱懸蜘蛛搖扇化蝸

蝸面具本隨身雨雲手翻覆盧公坐中書老臉同運軸
秦鏡久不磨溫犀近難矚九幽十八重讓公出頭角凡
公所設施五鬼先受福青燐幻古光不照非我族從茲
億萬身仰面待膏沃此鬼本善諛危哉禍機速役鬼非
役人髯豈斷諸獨信鬼不信人髯已墮其局鬼故與鬼
新善笑且善哭玩公股掌中冠帶一猴沐髯果不自知
若輩罪宜戮中天杲日升幽隱無遺燭鬼如蠍尾焦髯
亦蝟毛禿萌不早埋椎竄身同鼠縮奈何迷本來寶鑑
棄諸櫝髯家終南山有徑可投足進士雖不成先後竊
朝祿與爲虎負嵎不若牛脫楅𢉈觴則蒲筵瞥眼瓜期

促疫鬼尙跳跟那肯受束縛聶不力翦除方且卵而育
憧憧相往來恬不耻覆餗森羅十殿高豈無包孝肅霹
靂下青天一擊震葵燭此鏡照膽寒鬼氣化銅綠聶乎
早革心面垢倘能濯歸妹頗知幾爲兄鏡中卜

竹西司馬繼余引退賦詩二章馳示次韻奉酬

聯鑣入洛共華年垂老還山又拍肩敢許才人矜晚節
漫留倦客話初筵牛腰難作旋風舞

此余兩人
所同病者

鴻瓜空

傳印雪篇且喜葺鱸鄉夢穩挂帆同泛白鷗天

群鳥難爭一鶴鳴雲中矯翼最關清朝端尚採龔黃議
鄉曲咸知卓魯名流輩不妨參毀譽此心豈肯負平生

中分二水滔滔去還問江東舊主盟

謂裴大嘗禪武昌漢陽兩郡太守

裴丈愼甫以余與竹西司馬先後引退各贈詩

四章次韻奉酬

病免相如卧茂陵故交同作脫鞵鷹肥曉聚訟禪中蚩
真偽空彈紙上蠅金百同心離始合尹邢掩面愛生憎
括囊口已三緘久聊染丹豪賦綠滕

魯殿巍然峙此身中流力砥氣常伸迴瀾手大誰能假

出岫心孤自寫真壁有圖書能謝客

謂四壁皆粘寶券

門無車

馬不因人

余解組後惟裴丈與竹西時枉從山齋且信宿焉

一龕虛負傳燈意

拋却圓蒲暫息塵

登壇豪氣未消除學繡平原總不如史擅三長歸老筆

戰從七畧綜群書

所書戰畧一書上下千古有獨得於心者同咏史百篇流傳海內尚未刊

行

秀才名字誇君實司馬文章託子虛堪笑毗浮空撼

樹也曾眞面認匡廬

且持飯鉢打包游那得抽身作隱侯燕雀不須占戊巳

蟬蛄強欲習春秋高天風露催歸鴈小舫煙波夢野鷗

一鶴樓中仙骨健口碑長共白雲留

竹西用裘丈與余倡和四章前韻見贈因疊韻

答之

此曲同彈亦廣陵秋江歸棹夢魚鷹面如火熱難呼鴨

心比冰堅可致蠅世味漸如河漢詩名還怕鬼神憎
開籠許放寥天鶴從此迴翔免繫滕

敢說抽帆到岸身宦情雖拙論常伸頭銜笑我今如昔

骨董從他廣亂真

有謂三人
爲骨董者

痛哭立談誇國士升沉轉

瞬間途人滄浪有水真難濯且喜臣纓不染塵

落葉庭階漸掃除秋牕清話翦燈餘一流合有巢民傳
三上原無宰相書扣石心孤魚鼓寂鏤金口衆蜃樓虛
花田四畝松風屋老何荒江守敝廬

閉關久已謝交游誰強淮陰揖灌侯觴約青蓮同泛月
琴調絲綺自弦秋化鴟未必真成鳳招鶴何妨更玩鷗

喜有豫章喬木在清陰還向漢南留

題松風老屋圖

有序

竹西引疾求退屬葵庵寫松風老屋圖其志若有不可回者以余上年七月借病抽身許爲同志先乞詩鄙人頓首尚未加點墨也憶三十年前識竹西於京師相與締交後同官楚北兩家老屋俱屬他人竹西之屋失而復得所著編年詩卷卽以名其集是拳拳於松風老屋已不自今日始顧余見竹西求退而不能遽退十餘年來如宰斷水刺沔陽移江夏與擢白河同知書

凡屢上長官皆力止之夫一士去留似無關得失前此臺司鄭重愛惜之者不啻至再至三維時同謁南衙長官皆以字呼之不名其官自竹西赴白河余亦浩然有歸志其郵詩於余有繼君而退之語是今日竹西之退若執前詩爲券因綴數行以敘其由亦如松風一曲聽者會心而已

杜陵胸有萬間厦蓋頭空剩茆一把蘇公三過無草堂
買田陽羨願未償茫茫白雲出空谷那得牽蘿先補屋
廣田大宅歲月新平泉木石手編錄古來賢達豔稱之

畢竟詩人無此福先生詩心如古松天籟地籟人籟通
詩筆瘦硬蟠虬龍有時老氣橫秋空羣鶴不肯棲樊籠
朱輪倦擁思禾中夢入老屋吟松風松耶屋耶成老翁
卅年老友今重逢此圖亦倩葵庵補不等收帆遇風雨
上年七月葵庵爲余寫風雨收帆圖以示引退之意故家喬木戀清陰繞屋寒濤

譚舊譜室中有酒架有書眠琴付與郎君鼓松毛落紙
松華香松亦願爲君起舞大夫封樹薄專城佛子空桑
喜安堵陋彼蘿蔦爭攀援朝榮暮槿寄人廬盤根錯節
非不知欲強霜髯畫眉嫵二千石與卅卷詩豈肯千秋

易簪組

北河係新設邊缺同知秩滿例階太守不

較量

得失相後先拋却升階與華廡

余上年求退不知者以漢陽為脂膏之地疑為

病情可嘆也

吁嗟乎三十年前踏軟塵公孫公子早清貧著

書僅仰此間屋垂老仍歸舊主人我歸並無立錫地浮家泛宅同漂萍鴛鴦湖上野鷗聚牽船老屋來結鄰

書亡友徐閬齋同年病鶴賦後

臨臯鶴夢邈矣難追華亭鶴影去而不回

兼謂王鐵隻夫同年

身孤立病羽安歸留此鶴瓜招之能來

題東歸贈別圖後即用卷中曉嵐尚書原韻

記

玉山閣主人徐閬齋負才磊落與余為甲辰同

年老友嘉慶元年丙辰試禮部報罷聞其袖落
卷往謁河間尚書頗有辯論長安人海中或病
其狂旣而尚書見所著病鶴賦若將自喻焉者
深抱遺珠之惜賦詩慰答如蜀錦宛駒一聯王
司與舉子之心昭然若揭朝士爭相疊和至比
之元相遇退之也是年閏齋出京婁東顧容堂
稼部作圖於孫州如西曹之櫻桃傳舍士大夫
各以詩贖行而余與王鐵夫皆在里門卷中並
無墨瀋稼部南歸始談及此事然閏齋自此竟
絕跡公車投筆楚軍先以書抵吳中故人自言

更易舊名不作春明夢想洎余官楚中閔齋已
敘勞階大夫方謂二十年前同徵舊雨鼓棹重
聯不圖鶴去寥天此調遂成絕響迄今又二十
餘年文孫履思持此卷求題回憶青衫席帽與
鐵夫三人券驢西笑不知幾度桑乾今鐵夫亦
歸道山祇留此頽然放棄之身補綴斷紈零墨
感逝傷離不禁渺然身世之想因追和原韻直
書其事於卷尾俾後之覽者想見貞元朝士之
盛於一介去留得失長言不足又從而嗟嘆之
何風氣之古歟宜懷才負異者克自樹立弗肯

與俗轉移此不獨死生聚散之感也此卷或以
爲小蓬山人所畫原詩又稱下第後秋室庶子
以畫贈行今紙尾鈐識小印確係稼部之名自
當以余所聞於稼部者爲徵信庶子與山人或
別有墨本藏度閣中非此圖所能假也

鳴皋同受

九重如一鶴翩然繫去思老友散場嗟我獨才人下第
羨君奇詩題棘院風清後淚洒蘆溝月落時想見貞元
舊朝士文章氣節肯維持

問詩圖爲蓮峯太史題

展卷問詩得其偏掩卷問詩求其全古人與我不並世
以心印心詩乃傳百家詩話充汗棟文成億萬旨數千
出此入彼紛聚訟大千世界叅旨禪問之於詩詩不答
詩人久已忘言詮蓮峯太史今作者詞源倒流三峽泉
珊瑚架上玉臺筆傳家鏘奏凌雲篇示我五七言古體
字字光躍驪龍淵一真所發不可掩妙明心淨牟尼穿
風霜高潔轉斌媚嶄嶄之仞藏鋒圓有時怒也香象攖
有時矯也驚鴻翩漢南冠蓋喜投轄南湖招我觴青蓮
揭來題詩滿佛壁江城傳寫桃花牋謂桃花庵
倡酬之作袖出此
圖乞點墨不分主客皆神僊溪山宛轉抱林屋中有萬

軸瓊瑤鏤疎花瘦竹位置好蹺然空谷幽嬋娟橋西柳
外一舟艤問津便欲窮其源別尋蹊逕出想像區分流
派相洄洑軟塵十丈飛不到倘聞天籟泠泠然此時深
造有獨得詩情詩味圖難宣料應兩人同抵掌詩壘攻
破詩城堅君眼如箕心若谷此席豈讓前賢專一言能
蔽風雅頌辨香旁擷蘭蘅荃君詩蘋姑被文繡我詩老
女塗丹鉛況持詩戒今始破避君三舍談空元抽豪依
舊黏色相語言文字仍拘牽無聲詩境不易到箇中靈
妙區人天詩成問君還自問得失相喻於不言

題蓮峯如圓圖二首

章水流先澤洪都攬勝遊買山圖北苑讓宅記南州見

峯所作如

閣爲藏書起池因洗馬留何須尋舊館展卷

卽滄洲

壁立徑三折橋通雲一灣亭高先出樹籬曲不藏山繞
屋棠陰古臨江鶴夢閒西清方珥筆那得掩松關

寄濤圖爲程奕泉山人作圖係黃山僧澹庵所

繪

紙有餘地生長風筆有餘力吞長虹此圖作者僧澹公
寫君之意將毋同君身如寄目已空君心所寄耳亦通
飛濤倒掛巖上松瀑布穿破雲玲瓏如凌萬頃探蛟宮

如翔千仞登鼇峯如張仙樂句鐘鏞如策神馭鞭蚪龍
非江非海流淙淙非潮非汐聲聲絕大手筆具化工
礧礧砢砢排蒼穹湧起三十六朶青芙蓉君家黃山白
嶽中中有風泉萬壑洗我胸打頭茹屋如推篷度書千
卷支一筇蒼茫獨立披蒙茸此時設想超鴻濛收視返
聽無驚忤廣陵曲江之濤千萬重湯湯江漢橫流衝平
生沙險不改容憑仗忠信櫻其鋒何況天籟地籟人籟
皆倥侗併入松梢澗底波溶溶賞音當與賡絳桐凌霄
健鶴吹氤氲有如雪泥留爪能印鴻我歌此曲田未終
倒流三峽詞源窮要借卷中雪練濡豪濃跳珠濺玉鳴

淩淩類韓蒲蘇光熊熊手招枚叟相追從援筆寄與河
上逍遙翁

竹儂以江州華生所畫醉鍾魑圖屬題

龐然大腹餅壘空脫帽露頂榴花紅世人皆醒公獨醉
群鬼却走一鬼從聞公飲酒食鬼脯肥鬼方許庖廚充
此鬼僅存皮骨耳幸而得免刀俎供移家爲公張紙繖
歸妹與公燃紗籠歌則侑公以蘆簪獵則負公之角弓
乞公餘漚受公役鼻涕一尺拖長虹倒提葫蘆依樣畫
酒氣鬼氣同消融此時主人還抱甕鬚如蝟毛髮上衝
大聲呼鬼鬼背立一口噏乾兩耳聾龍泉三尺久倦舞

鉛刀小試藏其鋒
蘧蘧蝶影夢蕉鹿
不化蝙蝠化酒蟲
蟲聲唧唧溷乃公
飛出人海投壺中
楚俗信鬼鬼亦雄
女蘿薜荔被蒙葺
山鬼跳躍多五窮
胡不使鬼爲酒傭
糟邱高築終南峯
蒲觴吞入萬頃胃
飽餐角黍飢腸豐
袍鞬脫却噴兩瞳
坐看酒鬼相擊攻
轟飲一散成飄風
嗚呼誰寶主之先
生鍾我歌此詩
點筆匆摹寫
鬼趣有鬼工
請以質諸方竹儂
方干說鬼與我同

汪雲田上舍求題莘田書屋畫幀

積書當有緣
讀書總無福
古人著述難
千秋非信宿
欲探石室藏
必先甕牖伏
悠悠過隙駒
室向道旁築
卅年

墮風塵書已高閣束心手不相調翻怪筆花禿君家住
莘田長虹繞溪曲當闕百尺松風煙長鱗角他日我還
山松下結茆屋同注相牛經課與兒孫熟

爲人題鄰舟邀笛小影二首

萬頃鷗波放棹遲江潭楊柳漸成絲曉風殘月無人問
付與船唇遂一枝

漢南春色已如煙可有風情似昔年莫向芳洲重艤棹
竹枝吹破晚晴天

題人聽秋圖

葛巾竹笠獨往獨還倚松而聽聲出樹間驚濤立海飛

瀑鳴瀨蒼蒼莽莽一襟自閒卓哉秋士結此古歡發爲
天籟枕栗不彈我欲寫之白雲空山

題人秋日讀書

秋氣一襟淡秋聲四壁空莊騷前席共河漢幾人同掃
葉延佳士餐英倚短僮蕭然塵網外心跡證飛鴻

題人秋山行旅

半林黃葉影瀟瀟策蹇行吟萬里遙更莫回頭問僮僕
秋心都付一肩挑

題人平湖泛月

漁莊蟹舍接煙蕪一面青山三面湖記得家家團扇底

放翁寫上水邨圖

陳景華運判 在文屬題柳塘春水漫花塢夕陽

遲畫扇二首

元規一握障輕塵文本重募粉墨新山氣最佳惟日夕
許情難寫是陽春二分月借花供佛百尺樓高柳拜人
風片雨絲都浣去脂膏不染雪冰身

景華奉使使僚查
綱引小住漢皋可

謂處膏
不潤者

漢上風光鏡裡花五年雨度泛星槎聲聲漫按風前板
緩緩歸從陌上車似我三眠難舞雪輸君四照正揚葩
太邱治譜分明在更畫甘棠蔭萬家

洪晉卿蒲團趺坐圖

瞿曇現身牟尼屈指趺足圓蒲不叅禪理過眼空華不
黏成體一傾袈裟豔於金紫維摩見之豎起拂子居士
宰官合掌懽喜

彭讓邨貳尹

求敏

與余同官漢南余引退後讓

邨亦請假杜門適五十揆辰賦此二章奉贈

蒲觴香泛綺筵清笑指南山放晚晴絳縣已書新甲子
藍田還訪舊蓬瀛知非伯玉原無過難老彭篋劇有情
傾我啻籌如野鶴爲君吹笛背江城

漢上叩須我友同揚舲先趲鯉魚風黃金盡散交仍廣

白璧能完謗始空事到艱難方借箸心殊坦易不藏弓
魚經花譜休拋却

讓郎有漁梁
花圃之樂

同注頭銜百歲翁

客有畫不倒翁於几上群兒爭取手莫能及一
乳媪抱兒舉手取之因作此歌

翁腰龐然而無纏翁腹枵然而不飽翁脚不能伸臂不
能掉頭項強面目槁宜受侮於群小人方剝翁之膚鹽
翁之腦問之於翁未了了翻笑兒輩登場早提挈那能
離襁褓攫之不得戲相撈豈知乳媪見翁惱袖中伸出
長指爪玩翁掌上弄丸巧胡不望塵而拜投足好或爲
旋風之舞振翼矯危哉翁何恃而弗屈弗撓也翁乃囁

嚙而言曰壯不如人今已老俯仰任自然看者自分曉
阿婆也有倒頭時不見人情扶起不扶倒

喻蘇門上舍

光煦

求題西江棹圖二首

枕棹堂上酌寒泉小別西江廿五年當日不曾攜二客
翻從畫裡識成連

夢到長橋鴈一繩漁兄漁弟棹歌膺
素桺掛壁空流水此曲重彈已廣陵

謂令兄誦岩廣文
以西江老漁自號